


Zapisnik sa sedme tematske sjednice Savjeta za lokalni ekonomski razvoj (SLER)

Datum i vrijeme	▪ 28. mart, 2017. godine, od 14:00-15:30h
Mjesto	▪ Sala Općinskog vijeća, Općina Tešanj
Zapisničar	Muamer Omahić
Tema	Analiza usklađenosti obrazovanja sa potrebama tržišta rada
Prisutni	Lista prisustva u prilogu
Dnevni red	<ul style="list-style-type: none">▪ Usvajanje zapisnika sa šeste sjednice SLER-a▪ Tematska sjednica: Analiza usklađenosti obrazovnog sistema sa potrebama tržišta radne snage- diskusija o nalazima, preporukama i smjernicama za dalje aktivnosti▪ Prijedlog novih inicijativa
Sažetak sastanka	<p>Općinski Načelnik, g-din. Suad Huskić pozdravio sve prisutne. Prisutnim je predstavio ulogu SLER-a, članove i ulogu Načelnika kao predsjedavajućeg. Općinski načelnik, g-din. Suad Huskić kao predsjedavajući SLER-a je nakon uvodnog dijela otvorio sedmu tematsku sjednicu. " Analiza usklađenosti obrazovanja sa potrebama tržišta rada" i zamolio g-din-a Muharema Saračevića da prezentuje izrađenu analizu.</p> <p>Muharem Saračević kroz svoju prezentaciju predstavio je :</p> <ul style="list-style-type: none">• Broj anketiranih subjekata,• Cilj istraživanja• Glavnu hipotezu• Podhipoteze• Rezultate istraživanja• Mišljenja poslovnog sektora• Deficitarna i suficitarna zanimanja na području općine Tešanj• Preopruke• Upisnu politiku srednjih škola. <p>Nakon izlaganja g-din-a Muharema Saračevića, Predsjedavajući SLER-a je otvorio raspravu na prvu tačku dnevnog reda.</p> <p>Prvi za riječ se javio g-din. Ibrahim Krdžalić, koji je istako da postoji problem prilikom obavljanja prakse, jer nije definisano Zakonom o radu. Potrebno je ispitati mogućnosti legalizovanja obavljanja praktične nastave učenika kod poslodavaca, uz prijedlog da se izvrše dopune ugovora između poslodavaca i škola.</p> <p>Direktor Biroa za zapošljavanje g-din. Muharem Bereberović je postavio pitanje za g-din-a Muharema Saračevića; <i>Zašto obuke radne snage provode profesori iz škola, ako smo ustanovili da je loše formalno obrazovanje, zašto obuku ne provode inženjeri iz firmi?</i></p> <p>Predsjedavajući OV Tešanj, g-din. Senad Subašić je istakao da je analiza predstavila ono što je već poznato, nema konkretnih mjera , potrebno je dati fokus na škole, NPP prilagoditi, kao i obezbjediti bolje uslove rada u školama.</p> <p>Direktor Mann+Hummel.ba, g-din. Mahmut Galijašević je pohvalio izrađenu analizu te se zahvalio ljudima, koji su učestvovali u njenoj izradi, te je istakao da se praktična nastava u Mann Hummel-u redovno i nesmetano realizuje. Direktor Mann+Hummel-a je naglasio da svi možemo dati doprinos prilikom prilagođavanja NPP, a na kraju imamo zakonsku mogućnost do 30% izmjene. Direktor je također, predložio</p>



osnivanje Tehnološkog centra na području općine Tešanj u kojem bi se provodile obuke kroz neformalno obrazovanje, uz angažman inženjera i naravno uz aktivno učešće polodavaca-privrednih subjekata.

Predstavnik firme Prevent Fad d.d Jelah, g-din. Nemrnin Deljković se zahvalio g-din-u Mahmutu Galijaševiću na iznesenim prijedlozima te se osvrnuo na primjer firme Prevent Fad d.d. Također je povalio programe obuke za CNC operatera, koje su i njemu lično pomogli da stekne osnovna znanja za dalji rad u firmi.

Direktor firme „Alpina bromy“ , g-din. Senad Roša je konstatovao kako je potrebno da se djeluje na upisnu politiku putem medija i na taj način probudila bi se svijest kod roditelja, učenika o važnosti odabira određenog zanimanja .

Direktor Agencije TRA, g-din. Ismar Alagić se osvrnuo na broj ispitanika iz analize i na strukturu anketiranih firmi , te je iznio primjedbu na plan upisa za naredni period. Potrebno je da se da veći značaj prilikom kreiranja upisne politike zanimanjima poput alatničara, kontrolora itd.

Predstavnik firme ART d.o.o., g-din. Handžić Adem je istakao problem broja nezaposlenih, navodeći primjer da na evidenciji Biroa trenutno ima cca 300 nezaposlenih tekstilaca. U javnosti tekstilna industrija predstavljena kao „crna mrlja“ , a tekstilni sektor ima izraženu potrebu za radnom snagom. U narednom periodu potrebno je riješiti problem, firma ART d.o.o do kraja godine ima potrebu zapošljavanjem 100 novih ljudi.

Zamjenik predsjednika UP „Biznis centar“ Jelah Tešanj, g-din. Senad Brka je konstatovao da na osnovu prikazane analize može se vidjeti da broj upisanih učenika se smanjuje, a broj profesora konstatno raste. Također, je potrebna detaljnija informacija o organizacijama, koje pružaju usluge iz neformalnog obrazovanja ne samo na području općine Tešanj, već i šire.

Pomoćnik Općinskog načelnika, g-din. Hamzaliya Hojkurić je istakao kako je slijedeća aktivnost, kao nastavak na izrađenu analizu, izrada Akcionog plana za zapošljavanje.

Direktor Biroa za zapošljavanje g-din. Muharem Bereberović je iznio primjedbu zbog ne pozivanja predstavnika ostalih srednjih škola na sjednicu SLER-a

Nakon zaključene rasprave Predsjedavajući SLER-a je iznio prijedlog zaključaka, koji su jednoglasno usvojeni:

1.) Općina Tešanj, srednje škole sa područja općine Tešanj, UP Biznis centar Jelah Tešanj u narednih 30 dana formirati će timove za izmjenu i unapređenje nastavnih programa. Potrebno aktivno učešće privatnog sektora. Cilj do početka nove školske godine unaprijeđenje minimalno 3 nastavna programa u sektorima, koji imaju najbrži rast i potencijal. Nosilac obaveze TRA d.o.o Agencija. Rok za izvršenje posla do: 04.05.2017.godine

2.) Srednje škole sa područja općine Tešanj u naredna dva mjeseca će pripremiti plan za povećanje zastupljenosti praktične nastave izvan škole. Ispitati i dopuniti ugovore između poslodavaca i škola. Cilj povećati zastupljenost praktične nastave izvan škole za 20%. Zaduženi: direktori srednjih škola. Rok za izvršenje do: 05.06.2017.godine

3.) Tokom izrade nove Strategije razvoja dodatno analizirati područja; neformalnog obrazovanja, tehnološki razvojni centara, centra za obrazovanje odraslih.



4.) Sadašnji plan upisa uporediti sa stanjem broja nezaposlenih. Isti Plan sagledati i revidirati za naredni period. Zaduženi Biro za zapošljavanje, TRA d.o.o-Agencija. Rok za izvršenje posla : 30.06.2017.godine.

5.) U cilju promocije profesionalne orijentacije Sajam srednjih škola bolje iskoristiti u narednom periodu te dodatno osnažiti prisustvo poslodavaca. Zaduženi: Služba za društvene djelatnosti Općine Tešanj. Rok: februar 2018.godine.

6.) Obezbjediti detaljne informacije o programima iz oblasti formalnog i neformalnog obrazovanja u okruženju. Zadužena TRA d.o.o-Agencija. Rok za izvršenje posla do: 31.05.2017.godine.

7.) Izraditi akcioni plan zapošljavanja na području općine Tešanj. Zaduženi: Hamzalija Hojkurić i TRA d.o.o-Agencija. Rok za izvršenje posla do: 31.12.2017.godine.

Na kraju Zamjenik Predsjednika UP Biznis centar Jelah Tešanj, g-din Senad Brka je iznio inicijativu za izgradnju treće trake na relaciji Tešanj-Jelah. Sjenica je okončana u 15:30 h

Zapisničar: *Muamer Omahić*
Muamer Omahić, dipl. pravnik



Suad Huskić
Predsjedavajući SLER-a

Mr.sc. Suad Huskić, profesor